



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

XII. Vt sine consultu metropolitani nullus ordinetur episcopus.

urn:nbn:de:hbz:466:1-15256

geli auctoritatem, vt nemo nostrum alienos limites transgrediatur.

XII.

Nūmidius episcopus * Massylitanus dixit: Alii episcopi vsurpatione quadam existimant, contempto primatu cuiuslibet prouinciæ suæ, ad desiderium populi, episcopum ordinare, sine literis ad se primæ cathedræ manantibus, neque postea acceptis. Quid de hoc statuit sanctitas vestra? Genedius episcopus dixit: Quoniam communis est honorificentia, quam vnicuique seruari oportet, id ipsum fraternitati vestræ conuenit pronuntiare. Ab vniuersis episcopis dictum est: Placet omnibus, vt inconsulto primatu cuiuslibet prouinciæ, tam facile nemo præsumat, licet cum multis episcopis, in quocumque loco sine eius (vt dictum est) præcepto episcopum ordinare. Si autem necessitas fuerit, tres episcopi, in quocumque loco sint, cum primatis præcepto ordinare debeant episcopum.

Distinct. 31.
Placet omnibus.

XIII.

Genedius episcopus dixit: omnia ergo, quæ a vestro cœtu gloriosissimo statuta sunt, placet ab omnibus custodiri? Ab vniuersis episcopis dictum est: Placet, placet, vt custodiantur ab omnibus. Genedius episcopus dixit: Si (quod non opinamur) ab aliquo fuerint violata, quid statuitis, quod fieri debeat? Ab vniuersis episcopis dictum est: Qui contra suam professionem vel subscriptionem venerit, ipse se ab hoc cœtu separabit. Genedius episcopus dixit: Gratulemur Domino nostro præstante, quod pro statu ecclesiæ catholicæ cuncta